



**Xente mayor,  
neños y neñas,  
Equí güei vamos festexar  
con muncha alegría y felicidade  
L'antroxu o carnaval.**

**Esperamos que vos preste  
y si non, danos igual,  
vamos lleelo sin piedá**

*a tola xente de Mieres:*

**Hasta que fine l'antroxu  
Vamos facer gamberraes  
pintura nes ventanes  
petardos peles calles  
vais tener qu'aguantar**

*a los pas y a les mas,  
a los güelos y a les güeles:*

**Vamos comer llambionaes,  
hasta llenanos de caries,  
hasta perder el dentame,  
y quedanos sin fame.**

**Vamos quedar fartucos  
de tantos frixuelos  
van caenos los dientes  
de tanto comelos**

**Rosquilles y picatostes,  
borrachinos y casadielles.  
Y cuando nun queden d'elles  
Carambelos de sabores.**

*a mayestros y mayestres:*

**Deberes que facer  
Esámenes qu'estudiar  
Nun entendemos la manera  
que nos faen trabayar  
Vamos facer llocures,  
burles y travesures,  
na clase de sociales  
o na de naturales.**

**Vamos falar francés  
na clase d'inglés.  
Escribir con faltes  
y lletres mui grandes.**

**Vamos sumar al revés,  
restar de trés en trés.  
Dividir sin interés,  
y multiplicar a la vez**

*Al alcalde y conceyales:*

**Vamos facevos trastaes  
si nun nos dais esi parque,  
onde xugar hasta tarde  
con collacios y collacies**

**Nin pas, nin mas,  
nin güelos nin güeles,  
van poder tomar medíes.**

**Nin mayestros, nin mayestres,  
nin l'alcande, nin conceyales  
van poder tomar medíes.**

**Coles nuestres mazcaráes,  
nun van saber l'autoría  
de les nuestres fechoríes.**

**Van ser estes fiestes  
les meyores d'estes tierres.  
Tol mundo falará d'elles  
ya quedrá venir a veles**

**Y agora entama la fiesta  
peles cais d'esta villa.  
Vamos facer muncho ruíu,  
vamos glayar tol día  
hasta enterrar la sardina.**

**PUXA L'ANTRUXU**